

高僧傳

卷八

四百六十七  
廣二

51294



高僧傳卷第八

梁會稽嘉祥寺沙門

慧皎撰

廣

義解

釋僧淵一

釋曇度二

釋道慧三

釋僧鍾四

釋道盛五

釋弘充六

釋智林七

釋法瑗八

釋玄暢九

釋僧遠十

釋僧慧十一

釋僧柔十二

釋慧基十三

釋慧次十四

釋慧隆十五

釋僧宗十六

釋法安十七

釋僧印十八



釋法度十九

釋智秀二十

釋慧球二十一

釋僧盛二十二

釋智順二十三

釋寶亮二十四

釋法通二十五

釋慧集二十六

釋曇斐二十七

釋僧淵本姓趙潁川人魏司空儼之後也少

好讀書進戒之後專攻佛義初遊徐州止白  
塔寺從僧嵩受成實曇毗二論學未三年功踰  
十載慧解之聲馳於遐迩淵風姿宏偉腰帶  
十圍神氣清遠含吐灑落隱士劉因之捨所  
住山給為精舍曇度慧記道登並從淵受業  
慧記兼通數論道登善涅槃法華並為魏主

元宏所重馳名僞國淵以僞太和五年卒春秋六十有八即齊建元三年也

釋曇度本姓蔡江陵人少而敬慎威儀素以戒範致稱神情敏悟鑒徹過人後遊學京師備貫衆典涅槃法華維摩小品並探索微隱思發言外因以脚疾西遊乃造徐州從僧淵

唐

高僧傳卷六

二

魏

法師更受成實論遂精通此部獨步當時魏主元宏聞風食挹遣使徵請既達平城大開講席宏致敬下筵親管理味於是停止僞都法化相續學徒自遠而至千有餘人以僞太和十三年卒於僞國即齊永明六年也撰成實論大義疏八卷盛傳北土

釋道慧姓王餘姚人寓居建業十一出家爲  
僧遠弟子止靈曜寺至年十四讀廬山慧遠  
集迺慨然歎息恨有生之晚遂與友人智順  
泝流千里觀遠遺迹於是慙廬山西寺涉歷  
三年更還京邑時王或辯三相義大聚學僧  
慧時年十七便發問數番言語玄微詮牒有  
次衆咸竒之後受業於猛斌二法師猛嘗講  
成實張融構難重疊猛稱疾不堪多領乃命  
慧令答之融以慧年少頗協輕心慧乘機挫  
銳言必詣理酬酢往還綽有餘裕善大乘明  
數論講說相續學徒甚盛區別義類始爲章  
段焉褚澄謝超宗名重當時並見推禮慧以

母年老欲存資奉迺移態莊嚴寺母怜其志復出家爲道捨宅爲福不遠精舍慧以齊建元三年卒春秋三十有一臨終呼取塵尾授友人智順順慟曰如此之人年不至四十惜矣因以塵尾內棺中而殮焉葬於鍾山之陽陳郡謝超宗爲造碑銘時莊嚴復有玄趣僧達並以學解見稱趣博通衆經兼精內外而尤善席上風軌可欣達少而頭白時人号曰白頭達亦博解衆典尤精往復而性剛忤物被擯長沙

釋僧鍾姓孫魯郡人十六出家居貧履道嘗至壽春導公見而竒之譙郡王鄴重其志操

供以四事後請講百論導往聽之。迺謂人曰：後生可畏，真不虛矣。鍾妙善成實三論涅槃十地等，後南遊京邑，止于中興寺。永明初，魏使李道固來聘，會于寺內。帝以鍾有德，聲勅令酬對。往復移時，言無失厝。日影小晚，鍾不食。固曰：何以不食？鍾曰：古佛道法過中不食。固曰：何為聲聞耶？鍾曰：應以聲聞得度者，故現聲聞。時人以為名。荅介後，盤桓講說，稟聽成群。齊文惠太子竟陵文宣王數請南面，齊永明七年卒。春秋六十。時與鍾齊名，比德者曇讖、曇遷、僧表、僧最、敏達、僧寶等，並各善經論，悉為文宣所敬，迭興講席矣。



釋道盛姓朱沛國人幼出家務學善涅槃維  
摩兼通周易始任湘州宋明承風勅令下京  
止彭城寺謝超宗一遇遂敬以師禮迺著述  
交論及生死本無源論等後慙天保寺齊高  
帝勅代曇度爲僧主丹楊尹沈文季素奉黃  
老排嫉能仁迺建義符僧局責僧屬籍欲沙  
簡僧后由盛綱領有功事得寧寢後沈文季故  
於天保寺設會令陸修靜與盛論議盛旣理有  
所長又辭氣雋發嘲謔往還言無慙屈靜意  
不獲申愆焉而退盛以齊永明中卒春秋六  
十餘矣

釋弘充涼州人少有志力通莊老解經律大

明末過江初止多寶寺善能問難先達多爲  
所屈後自開法筵鋒鏑手起充旣思入玄微  
口辯天逸通疑釋滯無所間然每講法華十  
地聽者盈堂宋太宰江夏文獻王義恭雅重  
之明帝踐祚起湘宮寺請充爲綱領於是移  
居焉于時湘宮又有法鮮比丘亦聰哲有思

唐

高僧傳卷之六

四

卷之六

力與充齊名充以齊永明中卒春秋七十有  
二注文殊問菩提經及注首楞嚴經

釋智林高昌人初出家爲亮公弟子幼而崇  
理好學負表長安振錫江豫博採群典特善  
雜心及亮公被擯弟子十二人皆隨之嶺外  
林迺慙踵藩禺化清海曲至宋明之初勅在

所資給發遣下京止靈基寺講說相續稟服  
成群申明二諦義有三宗不同時汝南周顒  
又作三宗論既與林意相符深所欣慰迺致書  
於顒曰近聞檀越叙二諦之新意陳三宗之  
取捨聲殊恒律雖進物不速如貧道鄙懷謂  
天下之理唯此為得焉不如此非理也是以  
相勸速著紙筆比見往來者聞作論已成隨  
喜充遍特非常重又承檀越恐立異當時干  
犯學衆製論雖成定不必出聞之矍然不覺  
興卧此義旨趣似非初開妙音中絕六十七  
載理高常韻莫有能傳貧道年二十時便忝  
得此義常謂藉此微悟可以得道竊每懽喜

無與共之年少見長安耆老多去關中高勝  
迺舊有此義當法集盛時能深得斯趣者本  
無多人既犯越常情後進聽受便自甚寡傳  
過江東略無其人貧道捉麈尾已來四十餘  
年東西講說謬重一時其餘義統頗見宗錄  
唯有此途白黑無一人得者貧道積年迺爲  
之發病既痾衰末命加復旦夕西旋顧唯此  
道從今永絕不言檀越天機發緒獨創方外  
非意此音猥來入耳且欣且慰實無以況建  
明斯義使法燈有種始是真實行道第一功  
德雖復國城妻子施佛及僧其爲福利無以  
相過既幸已詮述想便宜廣宣使賞音者見

也論明法理當仁不讓豈得顧惜衆心以天  
竒趣耶若此論已成遂復中寢恐檀越方來  
或以此爲巨障往言懇也然非戲論矣想便寫  
一本惠貧道賈以還西使處處弘通也此  
可牽故入山取叙深企付之顛因出論焉故  
三宗之旨傳述至今林形長八尺天姿瓌雅  
登座震吼談吐若流後辭還高昌齊永明五  
年卒春秋七十有九著二諦論及毗曇雜心  
記并注十二門論中論等

釋法瑗姓辛隴西人辛毗之後長兄源明仕  
僞魏爲大尚書第二兄法愛亦爲沙門解經  
論兼數術爲芮芮國師俸以三千戶瑗幼而

闊達倜儻殊群路見貧寒輒脫衣爲惠初出家事梁州沙門竺慧開開懿德通神時人謂得初果開謂瑗曰汝情悟若此必能網摠末化宜競力博聞無得獨善於是辭開遊學經涉燕趙去來鄴洛值胡寇縱橫關隴鼎沸瑗冒險履危學業無怠元嘉十五年還梁州因進成都後東適建業依道場慧觀爲師篤志大乘傍尋數論外典墳索頗亦披覽後入廬山守靜味禪澄思五門遊心三觀頃之刺史庾登之請出山講說後文帝訪覓述生公頓悟義者迺勅下都使頓悟之旨重伸宋代何尚之聞而歎曰常謂生公沒後微言永絕今

日復聞象外之談可謂天未喪其文也帝勅  
爲南平穆王鑠五戒師及孝武即位勅爲西  
陽王子尚友辭疾不堪久之獲免因廬于方  
山注勝鬪及微密持經論議之隙時談孝經  
喪服後天保改構請瑗居之因辭山出邑綱  
維寺綱刺史王景文往候正值講喪服問論  
數番稱善而退及明帝造湘宮新成大開講  
肆妙選英僧勅請瑗尤當法主帝乃降蹕法  
筵公卿會坐一時之盛觀者榮之後齊文惠  
又請居靈根因移彼寺太尉王儉門無雜交  
唯待瑗若師書譯盡敬以齊永明七年卒春  
秋八十一矣時靈根寺又有法常智興並博

通經論數當講說常迺尤能劇談爲時匠所  
憚而性甚剛梗不偶人俗

釋玄暢姓趙河西金城人少時家門爲胡虜  
所滅禍將及暢虜師見暢而止之曰此兒目  
光外射非凡童也遂獲免仍往涼州出家本  
名慧智後遇玄高事爲弟子高每竒之事必  
共議因改名玄暢以表付囑之旨其後虜虜  
剪滅佛法害諸沙門唯暢得走以元嘉二十  
二年閏五月十七日發自平城路由代郡上  
谷東跨太行路經幽冀南轉將至孟津唯手  
把一束楊枝一扼葱葉虜騎追逐將欲及之  
乃以楊枝擊沙沙起天闇人馬不能得前有



頃沙息騎已復至於是投身河中唯以葱葉  
內鼻孔中通氣度水以八月一日達于揚州  
洞曉經律深入禪要占記吉凶靡不誠驗墳  
索子氏多所該涉至於世伎雜能罕不必備  
初華嚴大部文旨浩博終古已來未有宣釋  
暢乃竭思幽尋提章比句傳講迄今暢其始  
也又善於三論爲學者之宗宋文帝深加歎  
重請爲太子師再三固讓弟子謂之曰法師  
方欲弘道濟物廣宣名教今帝王虛己相延  
皇儲蓄禮思敬若道揚聖躬則四海歸德今  
矯然高讓將非聲聞耶暢曰此可與智者說  
難與俗人言也及太初事故方知先覺自介

遷憇荊州止長沙寺時沙門功德直出念佛  
三昧經等暢刊正文字辭旨婉切又舒手出  
香掌中流水莫之測也迄宋之季年乃飛舟  
遠舉迺適成都初止太石寺乃手畫作金剛  
密迹等十六神像至昇明三年又遊西界觀  
矚岷嶺乃於岷山郡北部廣陽縣界見齊后  
山遂有終焉之志仍倚巖傍谷結草爲菴弟  
子法期見神人乘馬著青單衣繞山一帀還  
示造塔之處以齊建元元年四月二十三日  
建刹立寺名曰齊興正是齊太祖受錫命之  
辰矣時人事萬里懸合時傅琰西鎮成都欽  
暢風軌待以師敬暢立寺之後乃致書於琰

曰貧道栖荆累稔年衰疾積厭毒人誼所以  
遠託岷界卜居斯阜在廣陽之東去城千步  
逶迤長亘連壘疊嶺嶺開四澗亘列五峯抱  
郭懷邑迴望三方負巒背岳遠矚九派以去  
年四月二十三日創功覆篲前冬至此訪承  
介日正是陛下龍飛之辰蓋聞道配太極者  
嘉瑞自顯德同二儀者神應必彰所以河洛  
晒有周之兆靈石表大晉之徵伏謂茲山之  
符驗豈非齊帝之靈應耶檀越奉國情深至  
使運屬時徵不能忘心豈能遺事輒疏山讚  
一篇以露愚抱讚曰峩峩齊山誕自幽冥潛  
瑞幾昔帝號乃明岑戴聖字兆祚休名巒根

雲坦峯岳霞平規巖擬剝度嶺締經創工之  
日龍飛紫庭道侔二儀四海均清終天之祚  
岳德表靈琰即具以表聞勅蠲百戶以充俸  
給齊驃騎豫章王疑作鎮荆陝遣使徵請河  
南吐谷渾主遙心敬慕迺馳騎數百迎於齊  
山值巴東赴遂不相及至齊武升位司徒文  
宣王啓自江陵旋于京師文惠太子又遣徵  
迎旣勅命重疊辭不獲免於是汎舟東下中  
途勤疾帶恙至京傾衆阻望止任靈根少時  
兩卒春秋六十有九是歲齊永明二年十一  
月十六日即窆于鍾阜獨龍山前臨川獻王  
立碑汝南周顥製文

釋僧遠姓皇勃海重合人其先北地皇甫氏  
避難海隅故去甫存皇焉遠幼而樂道年十  
六欲出家父母不許因蔬食懺誦曉夜不輟  
年十八方獲入道時有沙門道慧高才秀德  
聲蓋海岱遠從受學通明數論貫大小乘宋  
大明中度江任彭城寺昇明中於小丹楊牛  
落山立精舍名曰龍淵遠年三十一始於青  
州孫秦寺南面講說言論清暢風容秀整坐  
者四百餘人莫不悅服瑯琊王僧達才貴當  
世藉遠風素延止衆造寺遠周貧濟乏身無  
留財有玄紹比丘每給以金貝遠讓而弗受  
嘗一時行青園聞里中有得時氣病者憫而

造之見駢尸侶病者數人人莫敢近遠深加  
痛惋留止不忍去因為告乞斃死撫生恩加  
骨肉宋新安孝敬王子鸞為亡所生母殷貴  
妃造新安寺勅選三州招延英哲遠與小山  
法瑤南澗顯亮俱被徵召皆推遠為允舉之  
首大明六年九月右司奏曰臣聞邃拱凝居  
非期宏峻拳跪槃伏豈止敬恭將以昭張四  
維締制八寓故雖儒法枝派名墨條流至於  
宗親嚴上厥繇靡爽唯浮圖為教湯自龍囊  
宗旨緬邈微言淪遠拘文蔽道在末弥扇遂  
迺陵越典度偃居尊戚失隨方之妙迹迷製  
化之淵美夫佛法以謙儉自牧忠悛為道不

輕比丘遭人必拜目連桑門遇長則禮寧有  
屈膝四輩而間禮二親稽首耆臘而直骸乃  
乘者哉故咸康創議元興載述而事屈偏黨  
道挫餘分今鴻源遙洗群流仰鏡九仙賚寶  
百神聳職而畿輦之內含弗臣之氓階席之  
間延抗禮之客懼非所以澄一風範詳示景  
則者也臣等叅議以爲沙門接見皆當盡禮  
敬之容依其本俗則朝徽有序乘方兼遠矣  
帝雖頗信法而尤自驕縱故奏上之日詔即  
可焉遠時歎曰我剃頭沙門本出家求道何  
關於帝王即日謝病仍隱迹上定林山及景  
和之中此制又寢還遵舊章宋明踐祚請遠

爲師竟不能致其後山居逸迹之賓傲世凌  
雲之士莫不策踵山門展敬禪室廬山何默  
汝南周顒齊郡明僧紹濮陽吳苞吳國張融  
皆投身接足諮其戒範後宋建平王景素謂  
栖玄寺是先王經始旣等是人外欲請遠居  
之慇懃再三遂不下山齊太祖將升位入山  
尋遠遠固辭老疾足不垂床太祖躬自降禮  
諮訪委悉及登禪復鑿駕臨幸將詣遠房房  
閣狹小不容輿蓋太祖欲見遠遠持操不動  
太祖遣問卧起然後轉蹕而去遠曾不屑焉  
至于寢疾文惠文宣並伏膺師禮數往叅候時  
貫卿士往還不絕遠蔬食五十餘年澗飲二



十餘載遊心法苑緬想人外高步山門蕭然  
物表以齊永明二年正月卒于定林上寺春  
秋七十有一帝致書於沙門法獻曰承遠上  
無常弟子夜中已自知之遠上此去甚得好  
處諸佳非一不復增悲也一二遲見法師方  
可叙瑞夢耳今正爲作功德所須可具疏來

眉

高僧傳卷一

一

也竟陵文宣王又書曰遠法師一代名德志  
節清高潛山樹美四海飡風弟子闇昧謬蒙  
師範方欲仰稟仁化用洗煩慮不謂此疾奄  
成異世悲痛之心特不可忍遠上即旣業行  
圓通曠劫希有弟子意不欲遺形影迹雜處  
衆僧墓中得別卜餘地是所願也方應樹刹

表竒刻石銘德矣即爲營墳於山南立碑頌  
德太尉瑯琊王儉製文時定林上寺又有法  
令慧泰並善經論繼譽於遠焉

釋僧慧姓皇甫本安定朝那人高士謚之苗  
蒙先人避難寓居襄陽世爲冠族慧少出家  
止荊州竹林寺事曇順爲師順廬山慧遠弟  
子素有高譽慧伏膺已後專心義學至年二  
十五能講涅槃法華十住淨名雜心等性強  
記不煩都講而文句辯析宣暢如流又善莊  
老爲西學所師與高士南陽宗炳劉虬等並  
皆友善炳每歎曰西夏法輪不絕其在慧公  
乎吳國張暢經遊西土迺造慧而請交焉齊

初勅爲荊州僧主風韻秀然協道匡世補益之功有譽遐迩年衰常乘輿赴講觀者号爲禿頭官家與玄暢同時時人謂黑衣二傑齊永明四年卒春秋七十有九後有釋慧敞者亦志業貞正代慧爲僧主續有功效焉慧弟子僧岫亦以學顯力精致血疾而終

釋僧柔姓陶丹陽人少而耿潔便有出塵之操年九歲隨叔遊學家世貧迫藜藿不充而篤志弥堅履窮無改後出家爲弘稱弟姓呂洛陽臨渭人學通經論聲譽早彰膺已後便精懃戒品委曲禪慧方等衆小諸部皆徹鑿玄源洞盡宗要年過弱

登講席一代名賓並投身北面後東遊禹穴  
值慧基法師招停城傍一夏講論後入剡白  
山靈鷲寺未至之夜沙門僧緒夢見神人彩  
旗素紳滿山而出緒問其故荅云法師當入  
故出奉迎明旦待人果是柔至旣而掃飾山  
門有終焉之志敷經導學有士如林齊太祖  
創業之始及世祖襲圖之日皆建立招提傍  
求義士以柔者素有聞故徵書歲及文宣諸  
王再三招請乃更出京師止于定林寺躬為  
允匠四遠欽服人神讚美文惠文宣並服膺  
入室柔秉德居宗當之弗讓常誓生安養國  
每至懸車西次輒頻容合掌至臨亡之日體

無餘患唯語弟子云吾應去矣仍鋪席于地  
西向虔禮奄然而卒是歲延興九年春秋六  
十有四即葬於山南沙門釋僧祐與柔少長  
山栖同止歲久亟挹道心預聞法味爲立碑  
墓所東莞劉勰製文柔有弟子僧紹亦真正  
有學業時鍾山山茨精舍又有僧拔慧熙皆  
弱年英邁幼著高名並美業未就而相繼早  
卒拔撰七玄論今行於世

釋慧基姓呂吳國錢唐人幼而神情雋逸機  
悟過人初依隨祇洹慧義法師至年十五義  
嘉其神彩爲啓宋文帝求度出家文帝引見  
顧問允愜即勅於祇洹寺爲設會出家輿駕

親幸公卿必集基既栖志法門厲行精苦學  
兼昏曉解洞群經後有西域法師僧伽跋摩  
弘讚禪律來遊宋境義乃令基入室供事年  
滿二十度蔡州受戒跋摩謂基曰汝當道王  
江東不須久留京邑於是四五年中遊歷講  
肆備訪衆師善小品法華思益維摩金剛波  
若勝鬘等經皆思探玄蹟鑒徹幽凝提章比  
句麗溢終古基師慧義既德居物宗道王京  
土士庶歸依利養紛集以基懿德可稱乃攜  
共同活及義之亡後資生雜物近盈百萬基  
法應獲半悉捨以爲福唯取麁故衣鉢協以  
東歸還止錢唐顯明寺頃之進適會稽仍止山

陰法華寺尚學之徒追蹤問道於是遍歷三  
吳講宣經教學徒至者千有餘人宋太宗遣  
使迎請稱疾不行允徽中復被徵詔始行過  
浙水復動疾而還乃於會邑龜山立寶林精  
舍手疊磚石躬自拍麾架懸乘險製極山狀  
初立三層匠人小拙後天震毀壞更加脩飾  
遂窮其麗美基嘗夢見普賢因請爲和尚及  
寺成之後造普賢并六牙白象之形即於寶  
林設三七齋懺士庶鱗集獻奉相仍後周顯  
莅剡請基講說顯旣素有學功特深佛理及  
見基訪覈日有新異劉瓛張融並申以師禮  
崇其義訓司徒文宣王欽風慕德致書慇懃

訪以法華宗旨基乃著法華義疏凡有三卷  
及製門訓義序三十三科并略申方便旨趣  
會通空有二言及注遺教等並行於世基既  
德被三吳聲馳海內乃勅爲僧主掌任十城  
蓋東土僧正之始也於是從容講道訓厲禪  
慧四遠從風五衆歸伏基性烈而能溫氣清  
而且穆故預在門人莫不兢戰以齊建武三  
年冬十一月卒于城傍寺春秋八十有五初  
基寢疾弟子夢見梵僧數人皆踞砌坐問所  
從來荅云從大乘國來奉迎基和上後數日而  
亡因窆于法華山南特進廬江河胤爲造碑  
文於寶林寺銘其遺德基弟子僧行慧旭道



恢並學業優深次第敷講各領門徒繼軌前  
轍後有沙門慧諒接掌僧任諒亡次沙門慧  
永永風姿瓌雅德行清嚴亦遊刃衆經時當  
講說永後次沙門慧深亦基之弟子深與同  
學法洪並以戒素見重深後次沙門曇興亦  
沉審有氣局

釋慧次姓尹冀州人初出家為志欽弟子後  
遇徐州釋法遷解貫當出世欽乃以次付囑仍  
隨遷南至京口止竹林寺至年十五隨遷還  
彭城雖復年在息慈而志學無勌清鑒倫通  
超然孤拔至年十八解通經論名貫徐土迄  
稟具戒業操弥深頻講成實及三論等大明中

出都止于謝寺迄宋季齊初歸德稍廣每講  
席一鋪輒道俗奔赴沙門智藏僧旻法雲等  
皆幼年俊朗慧悟天發並就次請業焉文慧  
文宣悉敬以師禮四事供給永明八年講百  
論至破塵品忽然從化春秋五十七矣時謝  
寺又有僧寶僧智長樂寺法珍僧嚮僧猛法  
寶慧淵並一代英哲為時論所宗  
釋慧隆姓成陽平人少而居貧學無師友貞  
然自悟年二十三方出家十餘年中凝心佛  
法貫通衆典宋太始中出都止何園寺隆既  
思徹詮表善於清論乘機抗擬往必折關宋  
明帝請於湘宮開講成實負裘聞道八百餘

人其後王侯貴勝屢招講說凡先舊諸義盤  
滯之處隆更顯發開張使昭然可了乃立實  
法斷結義等汝南周顒目之曰隆公蕭散森  
疏若霜下之松竹以永明八年卒春秋六十  
有二時江西有釋智誕亦善於經論與隆比  
德齊時各馳名兩岸時何園寺復有僧辯僧賢  
道慧法度並研精經論功業可稱

釋僧宗姓嚴本雍州馮翊人晉氏喪亂其先  
四世祖移居秦郡年九歲爲瑗公弟子諮承  
慧業晚又受道於斌濟二法師善大涅槃及  
勝鬘維摩等每至講說聽者將近千人妙辯  
不窮應變無盡而任性放蕩亟越儀法得意

便行不以爲礙守儉專節者咸有是非之論  
文惠太子將欲罪擯徙逐通夢有感於是改  
意歸焉魏主元宏遙挹風德屢致書并請開  
講齊世祖不許外出宗講涅槃維摩勝鬘等  
近盈百遍以從來信施造太昌寺以居之建  
武三年卒所任春秋五十有九先是北土法  
師曇准聞宗特善涅槃迺南遊觀聽旣南北  
情異思不相參准乃別更講說多爲北土所  
師准後居湘宮寺與同寺法身法真並爲當  
時匠者時有安樂寺慧令法仙法最中興寺  
僧敬道文天竺寺僧賢並善數論振名上國去  
釋法安姓畢東平人魏司隸校尉軌之後也

七歲出家事白馬寺慧光爲師光幼而爽拔  
博通內外多所參知安年在息慈便精神秀  
出時張永請斌公講并屈召名學永問斌去  
京下復有卓越年少不斌答有沙弥道慧法  
安僧拔慧熙永即要請令道慧覆涅槃法安  
述佛性神色自若序瀉無遺永問並年幾慧  
答十九安答十八永歎曰昔扶風朱勃年十  
二能誦書詠詩時人号才童今日二道士可曰  
義少也於是顯譽京朝流名四遠迄至立年  
專當法匠王僧虔出鎮湘州携共同行後南  
適番禺正值彼公講涅槃安問論數番敬心  
愧讓席停彼两周法事相繼永明中還都止

中寺講涅槃維摩十地成實論相繼不絕司徒文宣王及張融何胤劉繪劉瓛等並稟服文義共爲法友永泰元年卒於中寺春秋四十有五著淨名十地義疏并僧傳五卷時有靈基寺敬遺光贊慧韜瓦官寺道宗亦皆當時名流爲學者所慕

釋僧印姓朱壽春人少而神思沉審安苦務學初遊彭城從曇度受三論度旣擅步一時四遠依集印稟味鑽研窮其幽奧後進往廬山從慧龍諮受法華龍亦當世著名播於法華宗旨印偏功構徹獨表新異於是東適京師止中興寺復陶思涅槃及其餘經典宋大

明中徵居何默招僧大集請印爲法匠聽者  
七百餘人司徒文宣王東海徐孝嗣並挹敬  
風猷屢請講說印戒行清嚴稟性和穆含怒  
安忍喜愠不彰時壯氣之徒問論中間或厝  
以嘲謔印神采夷然曾無外意雖學涉衆典  
而偏以法華著名講法華凡二百五十二遍  
以齊永元元年卒春秋六十有五矣  
釋法度黃龍人少出家遊學北土備綜衆經  
而專以苦節成務宋末遊于京師高士齊郡  
明僧紹抗迹人外隱居瑯琊之嶺山挹度清  
真待以師友之敬及亡捨所居山爲栖霞精  
舍請度居之先有道士欲以寺地爲館任者

輒死及後爲寺猶多恐動自度居之群妖皆  
息經歲許忽聞人馬鼓角之聲俄見一人持  
紙名通度曰靳尚度前之尚形甚都雅羽衛  
亦嚴致敬已乃言弟子王有此山七百餘年  
神道有法物不得干前諸栖託或非真正故  
死病繼之亦其命也法師道德所歸謹捨以

奉給并願五戒永結來緣度曰人神道殊無  
容相屈且檀越血食卅祀此最五戒所禁尚  
曰若備門徒輒先去殺於是辭去明旦度見  
一人送錢一萬香燭刀子疏云弟子靳尚奉  
供至月十五日度爲設會尚又來同衆禮拜  
行道受戒而去嶠山廟巫夢神告曰吾已受



戒於度法師祠祀勿得殺戮由是廟同薦止  
菜脯而已度嘗動散寢於地見尚從外來以  
手摩頭足而去頃之復來持一琉璃甌甌中  
如水以奉度味甘而冷度所苦即問其徵感  
若此時有沙門法紹業行清苦譽齊於度而  
學解優之故時人号曰北山二聖紹本巴西  
人汝南周顒去成都招共同下止于山茨精  
舍度與紹並爲齊竟陵王子良始安王遙光  
恭以師禮資給四事度常願生安養故偏講  
無量壽經積有遍數齊永元二年卒於山中  
春秋六十有四度弟子僧朗繼踵先師復綱  
山寺朗本遼東人爲性廣學思力該普凡厥

經律皆能講說華嚴三論最所命家今上深  
見器重勅諸義士受業于山時有彭城寺惠  
開幼而神氣高明志學淵深故早彰今譽立  
年便講又餘杭縣法開者亦清爽雋發善為  
談論出京止禪崗寺與同寺僧紹有聞當時  
釋智秀本姓裘京北人寓居建業幼而穎悟  
早有出家之心二親愛而不許密為求婚將  
剋娶日秀乃聞行避走投蔣山靈曜寺剃髮  
出家及年滿具戒業操愈堅稟訪衆師搜檢  
新異於是大小兼明數論精熟尤善大小涅槃  
淨名波若及講筵一建輒王侯接駕負裘  
肩隨為人神采細密思入玄微其文句幽隱

並見披釋以天監之初卒于治城寺春秋六十有三會葬之日黑白奔赴街巷填闔士庶含酸榮哀以備時治城又有僧若道乘並當時令聞若與兄僧璿並善諸經及外書若誦法華工草隸後爲吳國僧正乘亦志業明敏而特善毗曇

釋慧球本姓馬氏扶風郡人世爲冠族年十六出家任荊州竹林寺事道馨爲師稟承戒訓履行清潔後入湘州麓山專業禪道頃之與同學慧度俱適京師諮訪經典後又之彭城從僧淵受成實論至年三十二方還荆土專當法匠講集相繼學侶成群荆楚之間終

古稱最使西夏義僧得與京邑抗衡者球之力也中興元年勅爲荆土僧主訓勗之功有譽當世天監三年卒春秋七十有四遺命露骸松下弟子不忍行也

釋僧盛本姓何建業人少而神情聰敏加又志學翹勤遂大明數論兼善衆經講說爲當時元匠又特精外典爲群儒所憚故學館諸生常以盛公相脇天監中卒于靈曜寺春秋五十餘時有宋熙寺法欣延賢寺智敞法罔建元寺僧護僧韶皆比德同譽欣敞並善經論法罔兼精律部韶護以毗曇著名

釋智順本姓徐瑯琊臨沂人年十五出家事

鍾山延賢寺智度爲師少而聰穎篤志過人  
故雖年在息慈而學功已績及受具戒秉禁  
無疵陶練衆經而獨步於涅槃成實講說徒  
衆常數百餘人嘗以事生非慮頗致坎折而  
貞素確然其微無點齊竟陵文宣王特深禮  
異爲修治城寺以居之司空徐孝嗣亦崇其  
行解奉以師敬及東昏失德孝嗣被誅子緄  
逃竄避禍順身自營護卒以獲免緄後重加  
資俸一無所受嘗有夜盜順者淨人追而擒  
之順留盜宿于房內明旦遺以錢絹喻而遣  
之其仁洽篤恕如此後東遊禹穴止于雲門  
精舍法輪之盛復見江左順爲人虛靖恭恪

形器若神風軌清嚴動無失厝故士庶瞻禮  
當有懼焉以天監六年卒于山寺春秋六十  
一初順之疾甚不食多日一時中竟忽索齋  
飯弟子曇和以順絕穀日久密以半合米雜  
煑以進順順咽而還吐索水洗漱語和云汝  
永出雲門不得還任其執節精苦皆此之類  
臨終之日房內頗聞異香亦有見天華天蓋  
者遺命露骸空地以施虫鳥門人不忍行之  
乃窆于寺側弟子等立碑頌德陳郡袁昂製  
文法華寺釋惠舉又爲之墓誌順所著法事  
讚及受戒弘法等記皆行於世  
釋寶亮本姓徐氏其先東莞曹族晉亂避地

于東萊愜縣亮年十二出家師青州道明法  
師明亦義學之僧名高當世亮就業專精一  
聞無失及具戒之後便欲觀方弘化每惟訓  
育有本未能遠絕緣累明謂曰沙門去俗以  
宣通爲理豈可拘此愛網使吾道不東乎亮  
感悟因此客遊年二十一至京師居中興寺  
素粲一見而異之粲後與明書曰頻見亮公  
非常人也比日聞所未聞不覺歲之將暮珠  
生合浦魏人取以照車璧在邯鄲秦王請以  
華國天下之寶當與天下共之非復上人貴  
州所宜專也自是學名稍盛及本親喪亡路  
阻不得還北因屏居禪思杜絕人事齊

竟陵文宣王躬自到房請爲法匠亮不得已  
而赴文宣接足恭禮結菩薩四部因緣後移  
憩靈味寺於是續講衆經盛于京邑講大涅槃  
凡八十四遍成實論十四遍勝鬘四十二  
遍維摩二十遍其大小品六遍法華十地優  
婆塞戒無量壽首楞嚴遺教弥勒下生等亦  
各近十遍黑白弟子三千餘人諮稟門徒常  
盈數百亮爲人神情爽岸俊氣雄逸及開章  
命句鋒辯縱橫其有問論者或豫蘊重關及  
亮之披解便覺宗旨渙然忘其素蓄今上龍  
興遵崇正道以亮德居時望亟延談說亮任  
性率直每言輒稱貧道上雖意有間然而挹



其神出天監八年初勅亮撰涅槃義疏十餘  
萬言上爲之序曰非言無以寄言言即無言  
之累累言則可以息言言息則諸見競起所  
以如來乘本願以託生現慈力以應化離文  
字以設教忘心相以通道欲使珉玉異價涇  
渭分流制六師而正四倒反八邪而歸一味  
折世智之角杜異人之口導求珠之心開觀  
象之目救燒灼於火宅拯沉溺於浪海故法  
雨降而焦種受榮慧日升而長夜蒙曉發迦  
葉之悱憤吐真實之誠言雖復二施等於前  
五大陳於後三十四問叅差異辯方便勸引  
各隨意答舉要論經不出兩途佛性開其本

有之源涅槃明其歸極之宗非因非果不起  
不作義高萬善事絕百非空空不能測其真  
際玄玄不能窮其妙門自非德均平等心合  
無生金墻玉室豈易入哉有青州沙門釋寶  
亮者氣調爽拔神用俊舉少貞苦節長安法  
忍耆年愈篤覲齒不衰流通先覺孳孳如也

後進晚生莫不依仰以天監八年五月八日  
勅亮撰大涅槃義疏以九月二十日訖光表  
微言贊揚正道連環既解疑網云除條流明  
悉可得略言朕從容暇日將欲覽焉聊書數  
行以爲記荆云介亮福德招感供施累積性  
不蓄金皆散營福業身沒之後房無留財以

天監八年十月四日卒于靈味寺春秋六十  
有六葬鍾山之南立碑墓所陳郡周興嗣廣  
陵高爽並爲製文刻于兩面弟子法雲等又  
立碑寺內文宣圖其形像於普弘寺焉時高  
座寺僧成曠野寺僧寶亦並齊代法匠寶又  
善三玄爲貴遊所重

釋法通本姓褚氏河南陽翟人晉安東將軍  
揚州都督碧之八世孫也家世衣冠禮義相  
襲通幼而岐穎聰悟絕倫年十二出家遊學  
三歲專精方等大品法華尤所研密年未登  
立便爲講匠學徒雲聚千里必集後踐迹京  
師初止莊嚴後憩定林上寺棲閑隱素履道

唯懃希風影附者復盈山室齊竟陵文宣王  
丞相文獻王皆紆貴慕德親承頂禮陳郡謝  
舉吳國陸果尋陽張孝秀並策步山門稟其  
戒法白黑弟子七千餘人晦迹鍾阜三十餘  
載坐禪誦念禮懺精苦至天監十一年六月  
十日便覺不念語弟子云我正可至九月二  
十間耳到九月十四日見兩居士皆執白拂  
來向牀前便次第出去至十七日忽漫語云  
檀越不相識何處來耶弟子曇智問意故荅  
云有一人著朱衣戴幘擎木箱底在牀前至  
二十日見佛像作兩行來通合掌良久侍疾  
者但聞異香竟不測其意通乃密向同意慧

彌說之至二十一日索香湯洗浴竟仍作禮  
還卧叉手當曾正中時卒春秋七十仍葬于  
寺南弟子靜深等立碑墓側陳郡謝舉蘭陵  
蕭子雲並為製文刻于兩面時定林上寺復  
有沙弥聖進本闍人清信篤至遂出家苦節  
嘗頭陁至山東宿于樹下有虎來摩其頭見  
進端坐無擾跪之而去爾後每獨行獨坐常  
見青馬一匹衛其左右

釋慧集本姓錢吳興於潛人年十八於會稽  
樂林山出家仍隨慧基法師受業為性慤實  
言無華綺而學勤昏曉未嘗懈怠息後出京止  
招提寺復遍歷衆師融冶異說三載方等並

皆綜達廣訪。大毗婆沙及雜心捷度等以相  
讎校。故於毗曇一部擅步。當時凡碩難堅疑  
並爲披釋。海內學賓無不必至。每一開講。負  
表千人。沙門僧旻法雲並名高。一代亦執卷  
請益。今上深相賞接。每請開講。以天監十四  
年還。至烏程。遘疾而卒。春秋六十。著毗曇大  
義疏十餘萬言。盛行於世。

釋曇斐。本姓王。會稽剡人。少出家。受業於惠  
基法師。性聰敏。素著領牒之稱。其方等深經  
皆所綜達。老莊儒墨。頗亦披覽。後東西稟訪  
備窮經誥之旨。居于鄉邑法華臺寺。講說相  
仍。學徒成列。斐神情爽發。志用清玄。故於小

品淨名尤成獨步加又談吐蘊藉辭辯高華  
席上之風見重當世梁衡陽孝王允簡及隱  
士廬江何胤皆遠挹徽猷招延講說吳國張  
融汝南周顒顒子捨等並結知音之狎焉以  
天監十七年卒于寺春秋七十有六其製作  
文辭亦頗見於世初斐有譽江東被勅爲十  
城僧主符旨適行未拜便化厥土僧尼倍懷  
戀德斐同縣南巖寺有沙門法藏亦以戒素  
見稱喜放救生命興立圖像時餘姚縣有明  
慶比丘與斐同時致譽慶本姓鄭氏戒行嚴  
潔學業清美本師事炎公又弘實弟子師資  
三業並見重東南

論曰夫至理無言玄致幽寂幽寂故心行處  
斷無言故言語路絕言語路絕則有言傷其  
旨心行處斷則作意失其真所以淨名杜口  
於方丈釋迦緘嘿於雙樹將知理致淵寂故  
爲無言但悠悠夢境去理殊隔蠢蠢之徒非  
教孰啓是以聖人資靈妙以應物體冥寂以  
通神借微言以津道託形像以傳真故曰兵  
者不祥之器不獲已而用之言者不真之物  
不獲已而陳之故始自鹿苑以四諦爲言初  
終至鶴林以三點爲圓極其間散說派文數  
過八億象馱負而弗窮龍宮溢而未盡將令  
乘蹄以得兔藉指以知月知月則廢指得兔



則忘蹄經云依義莫依語此之謂也而滯教者謂至道極於篇章存形者謂法身定於丈六故須窮達幽旨妙得言外四辯莊嚴爲人廣說示教利喜其在法師乎故士行尋經於于闐誓志而滅火終令般若盛於東川忘相傳乎季末爰次竺潛支遁于蘭法開等並氣韻高華風道清裕傳化之美功亦亞焉中有釋道安者資學於聖師竺佛靑澄安又授業於弟子慧遠惟此三業世不乏賢並戒節嚴明智寶成就使夫慧日餘暉重光千載之下香土遺芬再馥閭浮之地涌泉猶注寔賴伊人遠公旣限以虎溪安師反更同輦輿夫高

尚之道如有忒焉然而言嘿動靜所適唯時  
四翁赴漢用之則行也三閭辟楚舍之則藏  
也經云若欲建立正法則聽親近國王及持  
杖者安雖一時同輦迺爲百民致諫故能終  
感應真開玄顯報其後荆陝著名則以翼遇  
爲言初廬山清素則以持永爲上首融恒影  
肇德重關中生叡暢遠領宗建業曇度僧繇  
獨擅江西之寶超進惠基乃擒折東之盛雖  
復人世迭隆而皆道術懸會故使像運餘興  
歲將五百功效之美良足羨焉

贊曰 遺風眇漫結浪邇迴匪伊粹哲孰振  
將頽潛安比玉遠叡聯瓌鏘斧曲戾彈沫斜

埃素絲既染永變方來

高僧傳卷第八

廣

瑗音院斐芳尾探土含協胡估酬昨酢下音失曆

正作措反聘正併曇識下楚禁反送徒結沛

國貝上音雋俊嘲許詭約反戲也鋒鏑箭也的

憇上踵上企立望也猥烏梅環雅異清美之謂也創狀初

作鬼瑗音院龍西上力勇反芮而歲反或個儻上

的反善也厚也下他朗恧反女六鑠詩若廬居力

反舍隙立逆也蹕同前劇譚下徒南反加話

也憚徒旦反剛梗下直也胡虜音虐虜

也憚徒旦反剛梗下直也胡虜音虐虜

上魚却跨傾越也反扼手握手也反該涉反上博也哀皇

儲副貳也除矯然小上居反刊正上削定也反婉切

上紆阮觀矚視也音燭岷嶺山在蜀傳琰付上音

反以撿也汝審反也亦疾一刃反透迤徒上烏為反下

反移曲亘也古鄧反遍壘反呂水巒山郎官反覆匱芳上

取伏也竹籠也築基北之謂也晒明也丙誕音也但

帝號下音岑小助而高也山締經結也音弟侔反莫齊

也蠲俱除也反驃騎下奇寄反疑反宜力荆陝音上

京下失染反又恙余向反窆于反上彼驗也岱代音

作硤硤侯夾反又恙余向反窆于反上彼驗也岱代音

山憫傷音敏痛惋反下烏貫也邃拱遂反私枝派賣下疋

厥繇由下音邊他徒浪反遠也又作囊羊逝緬邈

下眉角反也賈寶進上詞反氓民音萌也抗禮浪反口濮陽

遠也賈寶進上詞反氓民音萌也抗禮浪反口濮陽

上補 反 坐 古 文 字 遲 見 上 去 聲 虬 渠 幽 曲 戾 下

帝 反 埃 哀 音 禿 頭 上 谷 反 他 傑 俊 渠 過 人 也 敞 昌 兩 岫 山

音 藜 藿 上 郎 低 反 為 茹 也 一 郭 反 二 草 名 蒸 素 紳

下 音 申 帶 也 一 丞 挹 邑 上 去 記 反 數 也 下 音 東 莞 音 下

官 駟 反 胡 怙 山 茨 咨 下 在 玄 蹟 下 助 隔 反 指 麾 旭

下 許 反 蒞 剡 臨 上 音 也 利 覈 反 開 隔 瓠 反 語 展 胤 反 羊 鎮 旭

許 反 玉 恢 反 苦 回 轍 車 直 列 反 旻 音 闕 森 疏 二 音 馮 翊

下 地 名 也 翼 繪 反 玄 對 韜 反 士 刀 鑽 研 下 宜 率 反 喜 愠

反 怒 也 綜 子 送 反 嶷 山 續 高 僧 傳 斬 居 近 巫

音 廟 者 無 祝 也 祠 祀 音 詞 祭 似 二 甌 孟 侯 反 禪 崗 下 音 填

闔 下 一 也 含 酸 官 下 蘇 反 璿 反 似 甌 宣 球 求 音 麓 山 鹿 上 音 訓

勗 反 下 結 反 一 也 勸 許 也 玉 憚 畏 徒 官 反 旦 反 問 反 俱 永 臨 沂 衣 下 反 魚 績 曆 子

反也功疵疾斯也反緝反古本逃竄下簞反鹿擒巨今反

恭恪反下敬也各病也反咽吞於見反洗漱瘦下音昂反吾剛墓

誌記下音志曹族上直右反族字東萊郡音來恹

在音堅縣名案邯鄲音寒丹名屏居上音隱餅

退也杜徒戶反絕憩息也例反珉玉次於音闕美石

涇渭音經水謂名二燒灼若反拯聲拔也上沉溺的下反奴

沒一悱憤也上芳尾反一怒卜氣也欲善覷齒上或

吾芳反老一人孳孳音兹暇日開也音夏記荊列反井倪

褚反丑呂陽翟縣下音宅都督亦作音替碧略紆于委

反念安音預漫語半反莫載憤巾下音責闍人監土色

官官殼實作上口角反正遘古候反狎胡甲反

抹音蠢蠢細蟲類也一鵠林寺名合用鶴

逆運也 菟 字兔 于闐 二下 田 殿 支 遁 困下 徒 馥 音香 伏 忒 反他 得  
 粹哲 三閭 原下 為力 居反 楚屈 肇 音穀 羊 歲 遭 迴 反上 健 得  
 絀 上私 遂 反 鑄 斧 刃上 音煩 閣 也



